



Ministry of Civil Affairs

Broj: 04-07-10-418/18
Sarajevo, 15.02.2018. godine

**PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM**
Trg BiH br. 1
71000, Sarajevo

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 19-02-2018			
Organizaciona jedinica	Klasifikaciona oznaka	Nadni broj	Broj priloga
01-50-1-15		57	18

PREDMET: Odgovori na zastupnička pitanja, dostavljaju se

VEZA: Vaš akt broj: 01-50-1-15-57/18 od 12.02.2018. godine.

U skladu sa vašim aktom, broj i datum iz veze, u prilogu u pisanoj formi dostavljam
Odgovore na zastupnička pitanja uvaženog zastupnika u Predstavničkom domu Parlamentarne
skupštine Bosne i Hercegovine, g-dina Damira Arnauta.


S poštovanjem,

Prilog:

- Odgovori na zastupnička pitanja .

Dostavljeno:

- Naslovu,
- a/a





Ministry of Civil Affairs

Broj: 04-07-10-418/18
Sarajevo, 15.02.2018. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

N/r: Damir Arnaut, zastupnik

U roku iz člana 171. stav (2) Poslovnika o radu Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), dostavljam

ODGOVORE NA ZASTUPNIČKA PITANJA
ZASTUPNIKA DAMIRA ARNAUTA

1. Vezano za pitanje br. 1 obavještavam uvaženog zastupnika Damira Arnauta da specijalistička akademska zvanja ili poznavanja, u skladu s važećem Pravilnikom o unutrašnjoj organizaciji Ministarstva civilnih poslova Bosne i Hercegovine broj: 01-02-2-856-4/16 od 11.07.2016. godine, nisu postavljena kao neophodan stručni uslov za zaposlenje u pomenutom ministarstvu, pa stoga ovo Ministarstvo nema evidenciju niti je propisano da vodi evidenciju o zaposlenima koji su stekli specijalističko akademsko zvanje ili imaju specijalistička znanja iz bilo koje oblasti prava prije zaposlenja u Ministarstvu ili tokom rada u Ministarstvu. Napominjem da je Ministarstvo civilnih poslova Bosne i Hercegovine, u svom prethodnom aktu, odgovorilo uvaženom zastupniku, a u skladu s raspoloživim podacima, da u Ministarstvu civilnih poslova Bosne i Hercegovine nema zaposlenih čija je uža specijalnost međunarodno pravo mora. Međutim u Ministarstvu civilnih poslova Bosne i Hercegovine je zaposleno 33 diplomiranih pravnika, sa usvojenim teoretskim znanjima iz oblasti međunarodnog javnog prava, a koje između ostalog uključuje i pravo mora, te sa relevantnim i dugogodišnjim stručnim iskustvom u oblasti međunarodnih odnosa i međunarodnih ugovora u područjima zdravstva i socijalne zaštite, penzija, nauke i obrazovanja, rada i zapošljavanja, kulture i sporta i geodetskim, geološkim i meteorološkim poslovima.
2. U pogledu pitanja br. 2 obavještavam uvaženog zastupnika Damira Arnauta da je isključivi autor navedenog pisma, u njegovoj cjelini, ministar Ministarstva civilnih poslova Bosne i Hercegovine te da je isto nastalo kao rezultat izvršene analize dostupne dokumentacione osnove vezano za pregovore o državnoj granici između Bosne i Hercegovine i Republike Hrvatske, a kojom upravlja Ministarstvo civilnih poslova Bosne i Hercegovine, kao i na osnovu analize potpisanog Ugovora o državnoj granici između Bosne i Hercegovine i Republike Hrvatske, Konvencije Ujedinjenih

naroda o pravu mora, analize međunarodne prakse u graničnim sporovima, te izvršenih usmenih konsultacija sa stručnim osobljem Kabineta ministra i Sektora za pravne, kadrovske i opće poslove Ministarstva civilnih poslova Bosne i Hercegovine. Navedeno pismo je izrađeno temeljem ovlaštenja iz člana 61. stav 2. Zakona o upravi („Službeni glasnik BiH”, br. 32/02, 102/09 i 72/17).

3. U odgovoru br. 2 je rečeno da je isključivi autor navedenog pisma u njegovoj cjelini, uključujući tu i dio koji počinje na dnu stranice 3. i završava na vrhu stranice 4., ministar Ministarstva civilnih poslova Bosne i Hercegovine.
4. Moja malenkost kao ministar Ministarstva civilnih poslova Bosne i Hercegovine, u akademskom zvanju doktora nauka, posjeduje sasvim dovoljno akademskog i stručnog znanja, te potrebne stručne kapacitete unutar Ministarstva civilnih poslova Bosne i Hercegovine da može samostalno analizirati potpisani Ugovor o državnoj granici između Bosne i Hercegovine i Republike Hrvatske, Konvenciju Ujedinjenih naroda o pravu mora, međunarodnu praksu u graničnim sporovima te u skladu s istima i nadležnostima Ministarstva civilnih poslova Bosne i Hercegovine preduzimati dopuštene radnje u zaštiti interesa Bosne i Hercegovine na moru, a posebno u situaciji kada drugi organi i institucije Bosne i Hercegovine koji bi trebali štiti interese Bosne i Hercegovine nisu ili ne žele to raditi.
5. Kao što je rečeno u odgovoru na pitanje br. 2. predmetno pismo je nastalo kao rezultat analize dostupne dokumentacione osnove vezano za pregovore o državnoj granici između Bosne i Hercegovine i Republike Hrvatske, a kojom upravlja Ministarstvo civilnih poslova Bosne i Hercegovine, kao i na osnovu analize Ugovora o državnoj granici između Bosne i Hercegovine i Republike Hrvatske, Konvencije Ujedinjenih naroda o pravu mora, analize međunarodne prakse u graničnim sporovima, te izvršenih usmenih konsultacija ministra Ministarstva civilnih poslova Bosne i Hercegovine sa stručnim osobljem Kabineta ministra i Sektora za pravne, kadrovske i opće poslove Ministarstva civilnih poslova Bosne i Hercegovine.
6. Ja lično ostajem pri stavu da će Ministarstvo civilnih poslova Bosne i Hercegovine preduzimati sve dopuštene i zakonite pravne radnje koje korespondiraju kako sa odredbama domaćeg prava tako i sa odredbama međunarodnog prava, a što kao krajnju mjeru uključuje i pokretanje inicijative za izlazak Bosne i Hercegovine iz Ugovora o državnoj granici između Bosne i Hercegovine i Republike Hrvatske radi zaštite interesa Bosne i Hercegovine na moru. Naravno da će se navedena inicijativa pokrenuti tek nakon pažljive ocjene svih relevantnih činjenica i obavljenih dodatnih konsultacija kako unutar Ministarstva civilnih poslova Bosne i Hercegovine tako i u okviru Vijeća ministara Bosne i Hercegovine, što uključuje i dodatne konsultacije sa relevantnim stručnjacima iz akademske zajednice iz oblasti međunarodnog javnog prava, a u pogledu toga da li je daljnji ostanak Bosne i Hercegovine u Ugovoru o državnoj granici između Bosne i Hercegovine i Republike Hrvatske osnovan i pravičan za Bosnu i Hercegovinu u okolnostima kada bude očigledno da Republika Hrvatska, u okvirima tog ugovora, u razumnom roku ne želi da se postignu bilateralna rješenja u pogledu garantiranja prava Bosne i Hercegovine na slobodno povezivanje svog mora sa međunarodnim vodama. Ukoliko se iznađu bolja i efikasnija rješenja za zaštitu prava Bosne i Hercegovine na moru, inicijativa u pogledu izlaska Bosne i Hercegovine iz Ugovora o državnoj granici između Bosne i Hercegovine i Republike Hrvatske se uopšte neće razmatrati.

7. Vezano za granicu Bosne i Hercegovine sa Republikom Hrvatskom ona, temeljem međunarodnog standarda, ostaje nepromjeniva u sadašnjem stanju i na kopnu i na moru bez obzira na pravnu sudbinu Ugovora o državnoj granici između Bosne i Hercegovine i Republike Hrvatske, a koji se privremeno primjenjuje. Postojeća granica Bosne i Hercegovine sa Republikom Hrvatskom je određena i najvećim dijelom i uređena temeljem dokumentacije koja je nastala u radu nadležnih komisija za granicu Bosne i Hercegovine i Republike Hrvatske, a koja je parafirana od nadležnih predstavnika tih komisija. Ta granica na terenu faktički egzistira i primjenjuje se bez obzira što dokumentaciona osnova koja je bila osnov za određenje sadašnje granice između Bosne i Hercegovine i Republike Hrvatske nije odobrena od nadležnih tijela Republike Hrvatske i Bosne i Hercegovine. U vezi s navedenim privremeno važenje Ugovora o državnoj granici između Bosne i Hercegovine i Republike Hrvatske ne može ići u nedogled, posebno u okolnostima ukoliko se taj ugovor od strane R. Hrvatske s jedne strane osporava u dijelu pripadnosti Bosni i Hercegovini otočića Veliki i Mali školj i područja poluotoka Klek – rt Ponta Klek, a sa druge strane se uzima kao pokriće za kršenje prava Bosne i Hercegovine na moru najavom početka gradnje Pelješkog mosta.

Bosna i Hercegovina sigurno neće dozvoliti bilo koju vrste izolacije u pogledu korištenja svojih prava na moru, te će se u tom pogledu preduzimati sve raspoložive dopuštene i zakonite pravne radnje koje korespondiraju kako sa odredbama domaćeg prava tako i sa odredbama i praksom međunarodnog prava. Kao što je i rečeno u prethodnim odgovorima svi moji stavovi vezano za ovo pitanje su rezultat pažljive analize raspoložive dokumentacije vezano za razgraničenje između Bosne i Hercegovine i Republike Hrvatske, odredaba međunarodnog prava i prakse međunarodnih sudova u sličnim slučajevima te konsultacija sa stručnim osobljem Kabineta ministra i Sektora za pravne, kadrovske i opće poslove Ministarstva civilnih poslova BiH. Naravno da sam svjestan da su odnosi Bosne i Hercegovine i Republike Hrvatske nužno isprepleteni na takav način da svako postupanje jedne strane može izazvati kontra odgovor druge strane koji onda može ugroziti neke druge ekonomske interese Bosne i Hercegovine. Međutim puna sloboda Bosne i Hercegovine u korištenju svojih prava na mora ne smije doći u pitanje i sigurno da mora biti prioritet u okviru strateških interesa Bosne i Hercegovine. To su civilizacijska prava država garantovana odredbama međunarodnog prava koja moraju imati prednost u odnosu na druge partikularne i vremenski ograničene interese.

S poštovanjem,

MINISTAR

dr.sci. Adil Osmanović